



Broj: 06-45-884/25
Sarajevo, 28.01.2025. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05) i člana 100. stav (4) Zakona o javnim nabavkama („Sl. glasnik BiH“ br. 39/14, 59/22 i 50/24), razmatrajući blagovremenu, dopuštenu, urednu, izjavljenu od ovlaštenog lica i lica koje ima aktivnu legitimaciju žalbu ponuđača IMTEC d.o.o. Sarajevo od 22.01.2025. godine izjavljenu na Zapisnik o ocjeni ponuda broj 06-45-354/25 od 14.01.2025. godine, sprovedenu e-Aukciju od 10.01.2025. godine u 10:00 sati i Odluku o izboru najpovoljnijeg ponuđača broj 06-45-356/25 od 14.01.2025. godine za LOT 2 -Računarska oprema u Otvorenom postupku javne nabavke: Nabavka računarske opreme za potrebe Zavoda za izgradnju Kantona Sarajevo, direktor Zavoda za izgradnju Kantona Sarajevo **d o n o s i**:

R J E Š E N J E

1. Žalba ponuđača IMTEC d.o.o. Sarajevo od 22.01.2025. godine izjavljena na Zapisnik o ocjeni ponuda broj 06-45-354/25 od 14.01.2025. godine, sprovedenu e-Aukciju od 10.01.2025. godine u 10:00 sati i Odluku o izboru najpovoljnijeg ponuđača broj 06-45-356/25 od 14.01.2025. godine za LOT 2 - Računarska oprema je djelimično osnovana.
2. Ponuda ponuđača Inter – com d.o.o. Zenica za LOT 2 – Računarska oprema se odbacuje u skladu sa članom 68. stav (4) tačka i) Zakona o javnim nabavkama jer ponuda ne ispunjava zahtjeve iz Tenderske dokumentacije.
3. Poništava se održana e-Aukcija od 10.01.2025. godine za LOT 2-Računarska oprema.
4. Stavlja se van snage Zapisnik o ocjeni ponuda broj 06-45-354/25 od 14.01.2025. godine za LOT 2 - Računarska oprema i Odluka o izboru najpovoljnijeg ponuđača broj 06-45-356/25 od 14.01.2025. godine za LOT 2 -Računarska oprema.
5. Ugovor za nabavku roba „Nabavka računarske opreme za potrebe Zavoda za izgradnju Kantona Sarajevo“ - LOT 2 Računarska oprema, dodjeljuje se ponuđaču IMTEC d.o.o. Sarajevo za ponuđenu cijenu u iznosu od **46.136,00 KM bez PDV-a**, odnosno **53.979,12 KM sa PDV-om**, obzirom da je podnio prihvatljivu ponudu sa najnižom cijenom u skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24).
6. Izabrani ponuđač iz tačke 5. dispozitiva ovog Rješenja dužan je u roku **od 8 (osam) dana** od dana potpisivanja ugovora dostaviti ugovornom organu originalnu bankarsku garanciju za uredno izvršenje ugovora u iznosu od 10% od vrijednosti ugovora u formi Aneksa XII TD, u skladu sa tačkom 30. Tenderske dokumentacije
7. Ovo Rješenje stupa na snagu danom donošenja i objavit će se na web-stranici <http://zik.ks.gov.ba>, Zavoda za izgradnju Kantona Sarajevo, istovremeno s upućivanjem ponuđačima koji su učestvovali u postupku javne nabavke, uz koje će se ponuđačima dostaviti i Zapisnik o ocjeni ponuda broj 06-45-880/25 od 28.01.2025. godine.

O b r a z l o ž e n j e

Na osnovu Odluke o pokretanju postupka javne nabavke broj: 06-45-11696/24 od 11.12. 2024. godine Zavod za izgradnju Kantona Sarajevo (u daljnjem tekstu: ugovorni organ) je pokrenuo Otvoreni postupak javne nabavke sa namjerom provođenja e-aukcije, pripremio tendersku dokumentaciju, objavio Obavještenje o nabavci broj: 285-1-1-123-3-56/24 na portalu javnih nabavki i objavio tendersku dokumentaciju za otvoreni postupak javne nabavke roba: **Nabavka računarske opreme za potrebe Zavoda za izgradnju Kantona Sarajevo** na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br.39/14, 59/22 i 50/24) i članom 8. stav (1) Uputstva o uslovima i načinu



objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22). Postupak javne nabavke je podijeljen na 2 lota:

LOT 1-Serverska oprema (procijenjena vrijednost: 49.863,00 KM bez PDV-a)

LOT 2-Računarska oprema (Procijenjena vrijednost: 46.137,00 KM bez PDV-a).

U utvrđenom roku za dostavu ponuda, na protokol ugovornog organa blagovremeno su zaprimljene 2 (dvije) ponude za **LOT 2-Računarska oprema** koju su podnijeli sljedeći ponuđači:

1. **Inter-com d.o.o. Zenica** cijena bez PDV-a 46.000,00 KM

2. **Imtec d.o.o. Sarajevo** cijena bez PDV-a 46.136,00 KM

Komisija za javne nabavke je dana 06. 01. 2025. godine na zatvorenom sastanku izvršila pregled dostavljenih ponuda i utvrdila da su obje ponude za LOT 2 -Računarska oprema prihvatljive, nakon čega je dana 08.01.2025. godine zakazana e-Aukcija za dan 10.01.2025. godine u 10:00 sati i ista je održana i uspješno završena. Prema rezultatima Izvještaja o toku i završetku e-Aukcije sačinjena je konačna rang lista ponuđača koji su sudjelovali u e-Aukciji za postupak javne nabavke **“Nabavku računarske opreme za potrebe Zavoda za izgradnju Kantona Sarajevo”- LOT 2 Računarska oprema** (cijene bez PDV-a nakon e-aukcije):

1. **Inter-com d.o.o. Zenica.....45.600,00 KM**

2. **Imtec d.o.o. Sarajevo45.649,00 KM**

Na osnovu izvršene ocjene ponuda i prema rezultatima Izvještaja o toku i završetku e-Aukcije Komisija za javnu nabavku je sačinila Zapisnik o ocjeni ponuda broj 06-45-354/25 od 14.01.2025. godine za LOT 2 i dala Preporuku ugovornom organu broj 06-45-352/25 od 14.01.2025. godine da se ugovor u postupku javne nabavke **“Nabavka računarske opreme za potrebe Zavoda za izgradnju Kantona Sarajevo”- LOT 2 Računarska oprema**, dodijeli ponuđaču **„INTER-COM d.o.o. Zenica** za ponudenu cijenu **nakon e-aukcije** u iznosu od **45.600,00 KM bez PDV-a (53.352,00 KM sa PDV-om)**, obzirom da je u predmetnom postupku ponudio najnižu cijenu prihvatljive ponude za LOT 2, na osnovu čega je dana 14.01.2025. godine donesena Odluka o izboru najpovoljnijeg ponuđača broj 06-45-356/25 od za LOT 2 -Računarska oprema, shodno datoj preporuci Komisije za javnu nabavku.

Dana 23.01.2025. godine na protokolu Zavoda za izgradnju Kantona Sarajevo zaprimljena je žalba od 22.01.2025. godine ponuđača **IMTEC d.o.o. Sarajevo** (u daljnjem tekstu: žalitelj) koja je izjavljena na Zapisnik o ocjeni ponuda broj 06-45-354/25 od 14.01.2025. godine, sprovedenu e-aukciju od 10.01.2025. godine u 10:00 sati i Odluku o izboru najpovoljnijeg ponuđača broj 06-45-356/25 od 14.01.2025. godine za LOT 2 -Računarska oprema.

Ugovorni organ je dana 23.01.2025. godine putem Portala javnih nabavki i e-mail adresa ponuđača obavijestio ponuđače koji su dostavili ponudu za LOT 2 o zaprimljenoj žalbi i u skladu sa članom 110. stav (1) Zakona o javnim nabavkama obustavio postupak javne nabavke za LOT 2.

Ugovorni organ je u skladu sa članom 100. stav (1) Zakona o javnim nabavkama utvrdio da je žalba blagovremena, dopuštena, uredna, izjavljena od ovlaštenog lica i lica koje ima aktivnu legitimaciju, te da su ispunjene procesne pretpostavke za razmatranje žalbe.

Razmatrajući žalbu ugovorni organ je u skladu sa članom 100. stav (4) Zakona o javnim nabavkama utvrdio da je žalba **djelimično osnovana** iz sljedećih razloga:

Žalitelj osporavajući prihvatljivost ponude ponuđača Inter - com d.o.o. Zenica za LOT 2 navodi da ponuda istog nije mogla biti ocijenjena kao prihvatljiva kako je za stavku 3 PC tip 2 u svojoj ponudi na stranici 49 do 52 ponuđač dostavio brošuru ponuđenog računara za stavku 3 i markerom označio tehničke karakteristike koje ponuđeni HP Elite SFF 800 G9 Desktop PC ima, tako da je kod grafičke kartice označio da ponuđeni računar dolazi tj. da se isporučuje sa: „Intel UHD Graphics 770“, što znači da ponuđeni model računara nema zasebnu grafičku karticu, već je ponuđen računar koji ima ugrađenu grafiku u procesoru i koristi sistemsku memoriju za obradu grafike, te ne posjeduje tražene portove 1x DP i 1x HDMI, a samim tim ponuđeni računar ne zadovoljavaju minimalne tehničke karakteristike koje je definisao ugovorni organ.

Razmatrajući žalbeni navod ugovorni organ ističe da je za stavku 3 (PC tip2) u Tehničkoj specifikaciji za Lot 2 u pogledu minimalnih traženih tehničkih specifikacija i funkcionalnih zahtjeva u opisu stavke 3 ugovorni



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

organ zahtijevao, između ostalog, GRAFIKA: **2GB DDR6 zasebne memorije, 1 x DP, 1 x HDMI, 32 bit**, a tačkom 13.4.c) Tenderske dokumentacije ugovorni organ je tražio da ponuđena roba odgovara svim tehničkim uslovima i karakteristikama koji su navedeni u Tehničkoj specifikaciji robe-tehničkom opisu u koju svrhu je Tenderskom dokumentacijom od ponuđača traženo da dostave Tehnički list ili katalog ili izvod iz kataloga ponuđene robe (obična kopija) iz kojeg je moguće utvrditi da ponuđena roba ispunjava tehničke zahtjeve navedene u tehničkoj specifikaciji na jednom od službenih jezika u Bosni i Hercegovini.

Ponuđač Inter-com d.o.o. Zenica je na str. 49. do 52. ponude dostavio katalog ponuđenog proizvoda HP Elite SFF 800 G9 Desktop PC, u kojem je na str. 51 ponude od tehničkih karakteristika navedeno da posjeduje: Intergrirana: Intel ® UHD Graphics 730; Intel ® UHD Graphics 770

Diskretan: NVIDIA® T400 (4GB namjenskog GDDR6), AMD Rade on™ RX 6300 Grafika (2GB namjenskog GDDR6), čime je dokazao da ponuđeni računar posjeduje zasebnu/diskretnu memoriju (2GB), što ispunjava tehnički zahtjev naveden u Tehničkoj specifikaciji kojim su tražene 2GB zasebne memorije. Pritom činjenica da je ponuđač Inter-com d.o.o. Zenica u katalogu markerom označio dio „Intel UHD Graphics 770“, ne utiče na prihvatljivost ponude, jer od ponuđača tenderskom dokumentacijom nije ni zahtijevano da u katalogu označavaju koje karakteristike posjeduje ponuđeni računar, već je tražen Tehnički list ili katalog ili izvod iz kataloga ponuđene robe (obična kopija) iz kojeg je moguće utvrditi da ponuđena roba ispunjava tehničke zahtjeve navedene u tehničkoj specifikaciji, a iz dostavljenog kataloga na str. 49. do 52. ponude ponuđača Inter-com d.o.o. Zenica se jasnim utvrđuje da ponuđeni računar zadovoljava zahtjev za 2 GB zasebne memorije. S obzirom na navedeno ugovorni organ žalbeni navod ocjenjuje **neosnovanim**.

Žalitelj osporavajući prihvatljivost ponude ponuđača Inter - com d.o.o. Zenica za LOT 2 navodi da ponuda istog nije mogla biti ocijenjena kao prihvatljiva jer je za stavku 2 PC tip1, stavku 3 PC tip2, stavku 4 Monitor, dostavio brošure na engleskom jeziku uz djelimičan prevod na jedan od službenih jezika u BiH, iako je ugovorni organ jasno naznačio da ponuđači moraju dostaviti brošure na jednom od službenih jezika u Bosni i Hercegovini

Razmatrajući žalbeni navod ugovorni organ ističe da je tačkom 13.4.c) tenderske dokumentacije od ponuđača zahtijevan Tehnički list ili katalog ili izvod iz kataloga ponuđene robe (obična kopija) iz kojeg je moguće utvrditi da ponuđena roba ispunjava tehničke zahtjeve navedene u tehničkoj specifikaciji na jednom od službenih jezika u Bosni i Hercegovini.

Ponuđač Inter-com d.o.o. Zenica je u ponudi na str. 45. do 48. ponude dostavio katalog za stavku 2 PC tip 1. na str. 49. do 52 katalog za stavku 3 PC tip 2, te na str. 53. do 55. ponude katalog za stavku 4. Monitor u kojima su tehničke karakteristike iz kojih se utvrđuje da li ponuđena roba ispunjava tehničke zahtjeve navedene u tehničkoj specifikaciji napisane i na službenim jezicima koji su u upotrebi u BiH, čime je ispunjen zahtjev iz tenderske dokumentacije kojim je tražen Tehnički list ili katalog ili izvod iz kataloga ponuđene robe na jednom od službenih jezika u Bosni i Hercegovini. S obzirom na navedeno ugovorni organ žalbeni navod ocjenjuje **neosnovanim**.

Žalitelj osporavajući prihvatljivost ponude ponuđača Inter - com d.o.o. Zenica za LOT 2 navodi da ponuda istog nije mogla biti ocijenjena kao prihvatljiva jer je za stavku 5. Produžni kablovi dostavio brošuru koja je u potpunosti na engleskom jeziku, a ugovorni organ je naznačio da ponuđači moraju dostaviti brošure na jednom od službenih jezika u BiH.

Razmatrajući žalbeni navod ugovorni organ ističe da je ponuđač Inter – com d.o.o. Zenica na str. 56. do 60. ponude dostavio katalog za stavku 5. Produžni kablovi koji je u potpunosti na engleskom jeziku, odnosno u kojem su tehničke karakteristike u potpunosti napisane na engleskom jeziku, čime ponuđač nije ispunio zahtjev ugovornog organa iz tenderske dokumentacije kojom je tražen Tehnički list ili katalog ili izvod iz kataloga ponuđene robe (obična kopija) iz kojeg je moguće utvrditi da ponuđena roba ispunjava tehničke zahtjeve navedene u tehničkoj specifikaciji na jednom od službenih jezika u Bosni i Hercegovini.

S obzirom da se ponuđač Inter – com d.o.o. Zenica prilikom pripreme ponude nije pridržavao zahtjeva i uslova iz tenderske dokumentacije, što nije u skladu sa članom 57. stav (1) Zakona o javnim nabavkama koji propisuje da se ponuđač u postupku javne nabavke pridržava zahtjeva i uslova iz tenderske dokumentacije, ugovorni



organ žalbeni navod ocjenjuje **osnovanim**, jer je ponuđač Inter-com d.o.o. Zenica u ponudi dostavio katalog ponuđenog proizvoda za stavku 5. u kojem su tehničke karakteristike u potpunosti napisane na engleskom jeziku, što nije u skladu sa zahtjevom iz tenderske dokumentacije, zbog čega se ponuda ponuđača Inter - com d.o.o, Zenica za LOT 2 – Računarska oprema odbacuje u skladu sa članom 68. stav (4) tačka i) Zakona o javnim nabavkama jer ponuda ne ispunjava zahtjeve iz tenderske dokumentacije.

Paušalan je i kao takav **neosnovan** navod žalitelja kojim izražava sumnju u autentičnost dostavljenih brošura ponuđača Inter - com d.o.o. Zenica, navodeći da su prepravljane u odnosu na original jer kako navodi postoji nekonzistentnost u navodima, terminologiji, preklapanje u tekstu, dio teksta/rečenice na engleskom jeziku dio na jednom od službenih jezika u BiH i sl. što nije svojstveno brošurama koje objavljuju proizvođači ili ovlašteni distributeri, jer žalitelj samo izražava sumnju u autentičnost dostavljenih brošura, a svoje sumnje nije potkrijepio konkretnim dokazima, što je u postupku pravne zaštite dužan shodno članu 102. stav (3) Zakona o javnim nabavkama.

Žalitelj osporavajući prihvatljivost ponude ponuđača Inter - com d.o.o. Zenica za LOT 2 navodi da ponuda istog nije mogla biti ocijenjena kao prihvatljiva jer je ponuđač dostavio kopiju Aktuelog izvoda iz sudskog registra + jednu stranicu A4 formata na kojoj se nalazi „OVJERA PREPISA" od strane notara Belma Bektaš potpisan i ovjeren pečatom notara Belma Bektaš na kojem se navodi da je stranka Safet Škaljić dostavio prepis originala koji je izrađen računarom (znaci kopija) od 8 stranica, a da se izvorna isprava nalazi kod INTER-COM d.o.o. Zenica, međutim ono što je bitno napomenuti je to da niti na jednoj stranici Aktuelnog izvoda iz sudskog registra koji je dostavio INTER- COM d.o.o. Zenica se ne nalazi pecat ili potpis pomenute notarke pa nije jasno da li se dokument „OVJERA PREPISA" koju je dostavio ponuđač INTER-COM d.o.o. Zenica odnosi na Aktuelni izvod iz sudskog registra koji je dostavio uz ponudu u postupku javne nabavke BR. NABAVKE: 06-45- 11696/24 OTVORENI POSTUPAK(e-aukcija) LOT 2-Racunarska oprema ili je to bila „OVJERA PREPISA" za neki drugi Aktuelni izvod iz sudskog registra čija je zadnja stranica tj. „OVJERA PREPISA" iskorištena za ovaj i ovu svrhu?

Razmatrajući žalbeni navod ugovorni organ ističe da je tačkom 13. Tenderske dokumentacije propisano da kao dokaz kojim se potvrđuje ispunjavanje uslova za obavljanje profesionalne djelatnosti ponuđači trebaju dostaviti:

a) Rješenje o upisu u sudski registar ili (Aktuelni) izvod iz sudskog registra ili posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke.

Dokaz koji se dostavlja mora biti **originali ili ovjerena kopija** (organ uprave – općina, sud ili notar).

Ponuđač Inter – com d.o.o. Zenica je na str. 17. do 24. ponude dostavio ovjerenu kopiju Aktuelnog izvoda iz sudskog registra broj 043-0-RegZ-24-003460 od 19.11.2024. godine koji ima izvornu numeraciju stranica od 1 do 8. Na mjestu ovjere dokumenta čija ovjera je izvršena 25.12.2024. godine kod notara Belme Bektaš iz Zenice jasno stoji navedeno da je Aktuelni izvod iz sudskog registra istovjetan originalu koji je izrađen računarom i sadrži 8 (osam) strana opremljenih pečatom.

Budući da je ponuđač Inter-com d.o.o. Zenica dostavio ovjerenu kopiju Aktuelnog izvoda iz sudskog registra, čime je ispunio zahtjev iz tenderske dokumentacije, a notar, koji je izvršio ovjeru dokumenta, je svojim pečatom i potpisom potvrdio istovjetnost ovjerenog dokumenta sa originalnim koji sadrži 8 (osam) strana, koliko strana sadrži i ovjerena kopija Aktuelnog izvoda iz sudskog registra koji je dostavljen u ponudi ponuđača Inter-com d.o.o. Zenica, ugovorni organ navod žalitelja ocjenjuje **neosnovanim**, jer je ponuđač Inter – com d.o.o. Zenica ispunio zahtjev ugovornog organa iz tenderske dokumentacije.

Žalitelj na kraju osporavajući prihvatljivost ponude ponuđača Inter-com d.o.o. Zenica za LOT 2 navodi da je ponuđač dostavio kopiju izjave distributera Kimtec d.o.o., a ne izjavu samog ponuđača, što je zahtijevano tenderskom dokumentacijom, a s obzirom na to da je ugovorni organ tražio izjavu upravo od ponuđača, postavlja se pitanje usklađenosti ponuđene dokumentacije sa zahtjevima iz tenderske dokumentacije, te ovakva izjava ne može biti prihvaćena kao validna. Na ovaj način ponuđač u postupak javne nabavke uvodi treću stranu na način koji nije tražen tenderskom dokumentacijom.



Razmatrajući žalbeni navod ugovorni organ ističe da je tačkom 13.4.b) tenderske dokumentacije propisano:

b) za LOT 2 Ponuđač je dužan za stavke 1, 2 i 3 Tehničke specifikacije za LOT 2 dokazati da je licenca operativnog sistema isporučena putem legalnog kanala licenciranja Microsoft operativnih sistema.

Ocjena tehničke i profesionalne sposobnosti izvršit će se na osnovu sljedećih dokaza i izjava koje ponuđač dostavlja u ponudi:

b) Za LOT 2- Izjava ponuđača da je za stavke 1, 2 i 3 Tehničke specifikacije za LOT 2 licenca operativnog sistema isporučena putem legalnog kanala licenciranja Microsoft operativnih sistema (potpisana i ovjerena od strane ponuđača).

Ponuđač Inter – com d.o.o. Zenica je na str. 67. ponude dostavio potpisanu i ovjerenu Izjavu KimTec d.o.o. Vitez kojom isti kao autorizovani distributer u BiH za Microsoft potvrđuje da su licence za stavku 1 nabavljene putem legalnog kanala, a za stavke 2 i 3 operativni sistem na HP računarima je predinstaliran od strane proizvođača, dok ponuda ponuđača Inter – com d.o.o. Zenica za LOT 2 ne sadrži Izjavu ponuđača da je za stavke 1, 2 i 3 Tehničke specifikacije za LOT 2 licenca operativnog sistema isporučena putem legalnog kanala licenciranja Microsoft operativnih sistema (potpisanu i ovjerenu od strane ponuđača).

S obzirom da ponuđač Inter – com d.o.o. Zenica nije postupio po zahtjevu iz tenderske dokumentacije i u ponudi nije dostavio Izjavu ponuđača da je za stavke 1, 2 i 3 Tehničke specifikacije za LOT 2 licenca operativnog sistema isporučena putem legalnog kanala licenciranja Microsoft operativnih sistema (potpisanu i ovjerenu od strane ponuđača), što nije u skladu sa članom 57. stav (1) Zakona o javnim nabavkama koji propisuje da se ponuđač u postupku javne nabavke pridržava zahtjeva i uslova iz tenderske dokumentacije, ugovorni organ žalbeni navod cijeni **osnovanim**, zbog čega se ponuda ponuđača Inter – com d.o.o. Zenica za LOT 2 – Računarska oprema odbacuje u skladu sa članom 68. stav (4) tačka i) Zakona o javnim nabavkama jer ponuda ne ispunjava zahtjeve iz tenderske dokumentacije.

Na osnovu svega navedenog žalba žalitelja Imtec d.o.o. Sarajevo je djelimično osnovanu, zbog čega ugovorni organ ponudu ponuđača Inter – com d.o.o. Zenica za LOT 2 – Računarska oprema odbacuje u skladu sa članom 68. stav (4) tačka i) Zakona o javnim nabavkama jer ponuda ne ispunjava zahtjeve iz tenderske dokumentacije iz naprijed navedenih razloga, poništava održanu e-Aukciju od 10.01.2025. godine za LOT 2 u skladu sa članom 9. stav (5) Pravilnika o uslovima i načinu korištenja e-aukcije (Sl. glasnik BiH broj 80/23) koji propisuje da ugovorni organ poništava e-Aukciju ili poništava i ponovo zakazuje e-Aukciju u slučaju osnovane žalbe, rješenja Ureda za razmatranje žalbi Bosne i Hercegovine i u drugim opravdanim slučajevima i stavlja van snage Zapisnik o ocjeni ponuda broj 06-45-354/25 od 14.01.2025. godine za LOT 2 i Odluku o izboru najpovoljnijeg ponuđača broj 06-45-356/25 od 14.01.2025. godine za LOT 2 -Računarska oprema

S obzirom da su u predmetnom postupku javne nabavke za LOT 2 zaprimljene 2 (dvije) ponude i to ponuda ponuđača Inter – com d.o.o. Zenica sa cijenom bez PDV-a u iznosu od 46.000,00 KM prije e-Aukcije i ponuda ponuđača Imtec d.o.o. Sarajevo sa cijenom bez PDV-a u iznosu od 46.136,00 KM prije e-Aukcije, od kojih se ponuda ponuđača Inter – com d.o.o. Zenica odbacuje u skladu sa članom 68. stav (4) tačka i) Zakona o javnim nabavkama jer ponuda ne ispunjava zahtjeve iz tenderske dokumentacije, a ponuda ponuđača Imtec d.o.o. Sarajevo za LOT 2 je jedina prihvatljiva, ugovorni organ nema osnova za ponovnim zakazivanjem e-Aukcije, već ugovor u postupku javne nabavke: **Nabavka računarske opreme za potrebe Zavoda za izgradnju Kantona Sarajevo - LOT 2 Računarska oprema**, dodjeljuje ponuđaču „IMTEC“ d.o.o. Sarajevo za ponudenu cijenu prije e-Aukcije u iznosu od **46.136,00 KM bez PDV-a (53.979,12 KM sa PDV-om)**, u skladu sa članom 64. stav (1) tačka b) Zakona o javnim nabavkama, s obzirom da je u predmetnom postupku ponudio najnižu cijenu prihvatljive ponude za LOT 2.

Ugovorni organ će u skladu sa članom 108. stav (7) Zakona o javnim nabavkama u roku od 7 (sedam) dana od dana donošenja ovog Rješenja dostaviti Uredu za razmatranje žalbi dokumentaciju radi pokretanja postupka povrata naknade za pokretanje žalbenog postupka ponuđaču Imtec d.o.o. Sarajevo u iznosu od 750,00 KM.



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Shodno navedenom odlučeno je kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 10 (deset) dana od dana prijema ovog Rješenja u skladu sa članom 100. stav (5) Zakona o javnim nabavkama. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu, na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu, u roku za izjavljivanje žalbe.

Direktor:
Belma Barlov, dipl.ing.arh.



DOSTAVITI:

- 1.Imtec d.o.o. Sarajevo putem e-maila: prodaja@imtec.ba
- 2.Inter-com d.o.o. Zenica, putem e-maila: amer@inter-com.ba